

興國縣志卷之一

署知縣孔興浙輯

土地人民政事凡世宙之所統盡之矣上自天子之都下至一郡一邑莫不有土地莫不有人民政事是孟子一語固已包舉古今而立之準也顧有土地有人民有政事而非言則無以徵信而考實言之不可已又如是明李世熊作寧化志竊取其義張君尚瑗又倣之以作潏水志林分政與事為二增言為五曰志地志人志政志事志言以志地統邑之城池山川井里關隘津梁陂堰而官署學宮倉廩樓亭壇壝廟

興國縣志

卷之一 總論

一

宇寺觀古蹟皆附焉以志人統邑之官師選舉人物而寓賢仙釋皆附焉政則戶口田賦鹽榷軍制列於官府者事則水旱灾祥捐恤寇患由於天時人事者言則前後藝文以及名人碑記歌咏之類其體甚精其辭甚辨但其作道里考馳騁文藻病於錯漏名宦不列留正鄉賢不列王質尤滋物議今之志仍倣其體而變通之稽事必徵諸實去取務得其當訂譌求核考辨欲詳庶使觀是書者瞭然如見山川之屏帶焉風氣之和會焉民情土俗之所由異同焉時事之所由汙隆馬人物之所由盛衰焉政刑禮樂之所由

張弛因革田賦兵制之所由變更增損焉一展卷間如視諸掌斯毋負土地人民政事之義而言亦可以傳矣

志地

分野

吳地斗分野

西漢地理志

屬北斗權星

史記天官書

豫章入斗十度

晉天文志

南斗十至須女七度為星紀於辰在丑吳越之分

晉志

麗南斗第四星曰天相星

晉書

興國縣志

卷之一 分野

二

屬天台司命下星

宋史

占候主熒惑星

按熒主楚吳越贛屬隸其地凡有灾祥當於熒惑之所經行占馬寧都志

南昌饒州廣信南康建昌撫州臨江吉安瑞州袁州贛

州南安天文斗分野

明一統志

志載分野皆據吳地入斗十度茲參西漢晉宋諸志

史書明一統志贛府志訂入

沿革

禹貢揚州之域

尚書禹貢

春秋屬吳

十道志

戰國屬楚

太平寰宇記

秦始皇分天下爲三十六郡九江郡之一史記始皇本紀

漢屬豫章郡十道志

吳屬廬陂郡晉平吳置南康郡齊梁陳皆爲南康郡隋

平陳置虔州煬帝初州廢置南康郡文獻通考

唐太宗元年始命并省因天下形便分天下爲十道屬

江南道爲虔州領縣七隸虔化後唐爲昭信軍文獻通考

南唐洪州置鎮南軍虔州置百勝軍南唐書

宋太祖開寶八年分江南爲十九郡改昭信軍領州縣

七地屬贛縣宋史志

宋太宗太平興國七年析贛縣之七鄉於湓江鎮置興

興國縣志 卷之一 沿革 三

國縣宋史志文獻通考按舊志載王協知虔州奏拆

宋高宗建炎元年以江寧府洪州並升帥府四年合江

東西為江南路江西路統江洪撫信州興國南康臨江

建昌軍宋史志

紹興初復分東西以江州洪州筠州虔州吉州興國南

康臨江南安爲江南西路宋史志

宋恭宗德祐元年乙亥詔天下勤王景炎二年丁丑夏

四月復興國蔡志宋邑人上杭令鍾紹安從文天祥起義

元至元十二年置江西等處行中書省虔為贛州路興

隸贛州元史志

明洪武二年改路曰府置江西等處承宣布政使司領十三府贛州府南安府屬嶺北道興隸嶺北道贛州府江西通志

國朝因之康熙二十一年裁各道惟分巡道饒南九道贛南道領州縣如故

安志

雍正九年增轄吉安一府為吉南贛分巡道贛州府興國縣

江西通志

興雖自宋置縣前歷代沿革為國為郡為部為都督府為道為州為路為府統屬不一今備採各史書志訂入

興國縣志

卷之一 沿革

四

形勝

興國地僻谷荒山嵯水悍玉方諸山崇峙四面激濺二水交流東南

郡志

通天下大縣四十其隸於江西之贛者二而興國居其一

江西通志載宋朱夢龍莊令祠記

兩都壯其祖龍五嶺隄其汛駛經以濺川抱以激水東北桀梁西南伏瀉西山朱華之塔補缺障空大光官耀

盧志朱華塔記

龍華獨聳於羊山獅象互呈於靈岫上洛書石墨之異覆笥儲玉牒之編卧石龍分疊山龜峙渡稱程水鄉齒

儒林文溪接天池之餘波仰湖噴王珠之靈泉文昌記  
諸峯絕壁驚伏奔湍可據爲險不可勝紀亦足爲控山  
瀕水之區矣

舊志

形勝欲以人傑符地靈也鬱風氣其未開抗青雲以傑  
出滙百川爲脈絡伸一臂於巨靈遠紹前修追芳曩哲  
撫景興懷得無意乎

蔡志

疆界既分山川具列而形勝寓其間矣形以壯規模  
勝以表靈異因採諸志記序所載以備稽考

### 氣候

興國居贛上游山高谷窄地勢稍偏天氣隨之燥溼寒

興國縣志

卷之一 氣候

五

燠較中土大不相倫每歲正月既望陰雨多晴霽少二  
月春社後民方播種三四月炎氣鬱蒸乍晴乍雨夏至  
雷轟雲簇暴雨時作芒種以前棉衣袷襦視雨暘為着  
脫後則迫於煩熱矣炎歊煩毒多在三伏之天入秋彌  
烈迨白露霜降之交風氣頓肅涼冬雪霰歲一二見蓋  
地雖炎荒而山谷阻深陰陽自別寒暑非人所擬又嵐  
氣朝暮宜善調攝

參訂蔡志

### 風俗

興國昔號劇盛民皆挾氣尚鬪風聲習氣大率剛勁儉  
樸任氣喜爭

郭知章朱夢龍記

人物伉健大概去南漸近得天地之陽氣不可以刑威  
懾而可以禮義動

文天祥記

地界深山長谷鮮商販惟務農力產舊家崇尚朱子家  
禮好積古器重譜牒志銘孀婦多守節士夫重禮義弘

治前舊志

興國爲三程過化之地其流風善俗猶有存者閭閻樸  
木非達官貴人不衣羅綺舊家嫁娶糜費頗多欸媒之  
濫反過納幣蓋士大夫當任其責云

舊志總論

興俗市少帛肆途絕遊婦鄉紳以公事至偃室徒步無  
輿馬雖親戚訐訟不爲居間有司短長絕口不道子孫

興國縣志

卷之一 風俗

六

樂繩祖宗之美非極微必爲重修不以讓人皆風俗之  
厚而又前志所未及者也

舊志論

興俗無所紛華衣安布素民務稼穡不行竒異斯亦蟋  
蟀葛屨之遺矣但因裝奩之難至於溺女停喪擇吉置  
親瓦屋中而竒者又以割股廬墓爲至孝亦未知學之  
故也轉而道之移風易俗端有賴於主持世道者

蔡叅志訂

疆界

興國縣東至西二百三十里南至北一百四十里東南  
到西北二百一十里東北到西南一百二十里  
自縣而南四十里石窖灘接贛縣楓兜界

東南一百三十里梅窖接雩都縣青塘界

東一百六十里閭團都桐林埂接寧都縣蔡江界

志林

譌草坡界

東北七十里千田接吉安府永豐縣赤坂洲界

北一百里楓邊接吉安府廬陵縣楓嶺界

西北七十里黃田接吉安府泰和縣浪川界

西北又六十里早禾田接泰和縣白羊均界

西七十里均村接萬安縣平西界

西南五十里西江接贛縣官村界

自縣至府一百八十里至省城一千三百八十里至京

興國縣志

卷之一 疆界

七

師五千八百五十里

興國縣志卷之一